

Bosna i Hercegovina  
Federacija Bosne i Hercegovine  
Kanton Sarajevo  
Općina Ilijaš  
OPĆINSKI NAČELNIK



Bosnia and Hercegovina  
Federation of Bosnia and Hercegovina  
Sarajevo Canton  
Municipality Ilijas  
MUNICIPALITY MAJOR

Služba za prostorno uređenje i stambeno-komunalne poslove

## OPĆINSKO VIJEĆE ILIJAŠ

**Odgovori na vijećnička pitanja i inicijative sa 39. sjednice Općinskog vijeća Ilijaš  
održane dana 31.3.2016.godine**

Ilijaš: April 2016.godine

126.Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669, 033-580-672



## MARIONETA ILIĆ-JURETA – vijećnica SDP-a

Inicijativa 1:"U selu Solakovići se prave privatne deponije koje treba što prije obići i ukloniti, te upoznati stanovništvo na izricanje novčane kazne u slučaju istih, te da naš inspektor obiđe cijeli teren Općine, a pogotovo gornji kraj Općine gdje nema dovoljno kontejnera i gdje je nepristupačan teren za izlazak kamiona komunalnog preduzeća"

Odgovor: Zakonom o komunalnoj čistoći ("Sl.novine Kantona Sarajevo" br.11/97), je definisano "Komunalnom čistoćom u smislu ovog zakona, smatra se održavanje čistoće na javnim površinama, kao čišćenje komunalnih otpadaka sa javnih površina, pranje asfaltiranih, betoniranih, popločanih javnih površina, prikupljanje, deponovanje i odvoženje komunalnih otpadaka, uništavanje i prerada komunalnih otpadaka, održavanje deponije i uklanjanje snijega sa javnih površina, održavanje čistoće u dvorištima, zajedničkim prostorijama stambenih zgrada, garažama, šupama (u daljem tekstu: druge površine)".

U članu 3. navedenog zakona propisano je da obavljanje poslova komunalne čistoće vrše komunalna preduzeća registrovana za obavljanje ove djelatnosti, a održavanje čistoće na drugim površinama vrše korisnici stambenih zgrada, garaža,šupa.

Nadzor nad provođenjem odredbi ovog zakona, programa i operativnih planova održavanja čistoće i uklanjanje snijega vrši kantonalni organ nadležan za komunalne poslove.

Poslove inspekcijskog nadzora vrši kantonalni inspektor nadležan za kantonalnu inspekciju.

Naselje Solakovići nije obuhvaćeno prikupljanjem i odvozom komunalnog otpada. Mišljenje ovog inspektora je da u pomenutom naselju treba organizovati prikupljanje komunalnog otpada putem tipiziranih posuda za otpadke i odvoz komunalnog otpada na deponiju Smiljevići. Ovo pitanje treba da riješi Služba za prostorno uređenje i stambeno-komunalne poslove Općine Ilijaš u saradnji sa KJKP"RAD" Sarajevo; radna jedinica Ilijaš.

Inicijativa 2:"Pokrećem inicijativu da se uklone ograde u naselju Povoča koje su postavljene u kanalu uz lokalni put. Također da inspektor prilikom izlaska na teren obrati pažnju i upozori na moguće sankcije i kazne".

Odgovor:Određivanje granica parcela nije u nadležnosti Urbanističko-građevinskog Inspektora. Postupkom pred nadležnim Sudom se rješava granica parcela i eventualno uklanjanje ograda.

## BESIM GLJIVA – vijećnik Stranke za Srednje

Inicijativa:"Put Čevljanovići-Gajevi koji održava Direkcija za ceste Kantona Sarajevo putem preduzeća "Citar-produkt" neophodno je izvršiti temeljitu analizu istog. Naime, na više mjesta u velikom dijelu je Ljubinski potok potkopao navedeni put i neophodno je izgraditi potporne zidove. Takođe, na navedenom putu se pojavio veći broj pukotina koje treba blagovremeno sanirati kako bi se spriječilo daljnje urušavanje ovog veoma bitnog putnog pravca"

Odgovor: Inicijativa je dostavljena Direkciji za puteve Kantona Sarajevo.

## DAMIR FILIPOVIĆ – vijećnik SDP-a

Inicijativa 1:"Da stručna Služba općine Ilijaš izađe na lokalitet Ljubnića (kod škole) i sačini zapisnik o problemu nakupljanja vode ispred osnovne škole, te da pristupe realizaciji navedenog problema u skorije vrijeme. Obrazloženje:Obzirom da su građani MZ Ljubnići istakli kao jedan od ključnih problema na području spomenute mjesne zajednice, ispred njih upućujem ovu inicijativu.

Odgovor: Problem skupljanja vode u dvorištu škole u Ljubničima prisutan je od ranije, urađen je Glavni projekat fekalne kanalizacije i sa realizacijom ovog projekta bit će riješen i ovaj problem.

Inicijativa 2: "Da se postave table sa oznakom naselja na ulazu i izlazu naselja Ljubina. Obrazloženje: Inicijativa ispred građana mjesne zajednice".

Odgovor: Inicijativa je dostavljena JP "Ceste Federacije BiH" d.o.o. Sarajevo.

**SELMA PUŠINA – vijećnica SDA**

Inicijativa: "Inicijativu upućujem nadležnoj Službi za postavljanje znaka zabrane parkiranja u dužini 10m na području Banovca od raskrsnice tj. ispred zgrade broj 100 i prostora napravljenog za odlaganje otpada-smeća. Obrazloženje: Građani područja navedenog naselja u gradu Ilijašu traže da se postavi znak zabrane parkiranja na i ovoj lokaciji, jer su pored svih problema oko parkiranja ovdje ugroženi pješaci i vozači, jer na tom uskom grlu dolazi do totalnog zagušenja saobraćaja zbog nesavjesnih vozača, koji ostavljaju svoja vozila u mirovanju pored samih kontejnera i samim tim blokiraju jednu kolovoznu traku. Molimo da nadležne Službe poduzmu zakonske mjere kako bi se riješio ovaj problem bez većih posljedica za same građane".

Odgovor: Inicijativa je dostavljena Direkciji za puteve Kantona Sarajevo.

**RASIM ŠEHIĆ – vijećnik SDA**

Inicijativa: "Pokrećem inicijativu da se izvrši sanacija "centralnog" puta u MZ Kamenica koji je u nadležnosti Direkcije za puteve Kantona Sarajevo. Obrazloženje: Gore navedeni put, usljed dugogodišnjeg izostanka sanacije, postepeno je doveden u situaciju da je na određenim mjestima neophodna hitna sanacija kako bi se zaustavilo urušavanje i oštećenje ovog puta. Obzirom da ova stavka ne iziskuje znatna materijalna sredstva, iskreno se nadamo da će inicijativa naći razumijevanje".

Odgovor: Inicijativa je dostavljena Direkciji za puteve Kantona Sarajevo.

**ASIM MUJIĆ – samostalni vijećnik**

Inicijativa: "Tražim od izvođača radova, koji su radili u ul. Polomska na postavljanju asfalta, da mi odgovore zašto nije dovršeno i kada se planira završetak radova na ovoj dionici".

Odgovor: Radovi na asfaltiranju dijela ulice Polomska su završeni.

Služba za prostorno uređenje  
i stambeno komunalne poslove